

# 12 pengakap menang anugerah projek inovasi

Kuala Lumpur: Sekumpulan 12 ahli pengakap Malaysia, Kumpulan Walkside by Rous Project, mengharumkan nama negara apabila dipilih sebagai penerima Anugerah Pengakap Dunia 2019.

Ia hasil kejayaan menyiapkan projek inovasi laluan pejalan kaki sepanjang 100 meter menggunakan 80,000 penutup botol plastik minuman yang dikitar semula untuk kegunaan awam di Jalan Mesra, Off Jalan Damai, Datuk Keramat di sini, tahun lalu.

Penutup botol minuman itu dikumpul menerusi pelbagai kaedah, termasuk acara korporat, pembersihan jalanan, gotong-royong, hari terbuka dan sumbangan kumpulan pengakap luar negara termasuk dari Indonesia, Myanmar dan Maldives, mulai dari 1 Jun sehingga 29 September 2018.

Penolong Ketua Kumpulan Latihan Kelanasiswa Malaysia (KLKM), Universiti Putra Malaysia, Mohd Azrol Hafizi Azman, berkata projek itu antara lain bertujuan mempromosi usaha penjagaan alam sekitar dalam kalangan orang ramai, terutama generasi muda dan murid menerusi konsep 3R.

Projek itu juga memberi impak sosial yang sangat besar kepada masyarakat setempat seperti memberikan kemudahan, keserasaan dan keselamatan ke tahap lebih baik serta memberi impak alam sekitar besar dalam menjayakan kempen 3R dalam kalangan masyarakat di negara ini.

Katanya, projek itu tercetus selepas mereka melihat kebanyakan amalan penjagaan alam sekitar



**Kumpulan pengakap menyiapkan projek laluan pejalan kaki guna penutup botol di Jalan Mesra Off Jalan Damai, Datuk Keramat, tahun lalu.**

(Foto Muhamad Zaaba Zakeria/BH)

tidak begitu diamalkan masyarakat setempat.

Oleh itu, kami cuba tonjolkan yang kita boleh memberi impak besar kepada penjagaan alam sekitar menerusi penggunaan bahan kitar semula seperti penutup botol plastik minuman sebagai laluan pejalan kaki untuk kegunaan komuniti setempat.

Kami juga mengutip rferma dan meminta ahli kumpulan menyumbangkan sedikit dana untuk membeli simen dan pasir; serta mengorbankan masa dan tenaga mereka bagi menyiapkan pembinaan laluan pejalan kaki berke-

naan," katanya kepada BH.

Sementara itu, Ketua Projek, Shaherwiena Nadhirah Shahrul Nizam, bangga dengan pencapaian berkenaan kerana bukannya mudah menyiapkan projek terbaik berikutan kebanyakan ahli kumpulan tinggal di luar Kuala Lumpur dan Selangor.

Katanya, fokus mereka menyiapkan projek itu bukan semata-mata untuk menang anugerah, tetapi lebih kepada mahu berbakti dan memberi sumbangan semula kepada komuniti, selain mempromosi nama Pengakap Malaysia kepada masyarakat.

"Bagaimanapun, kami tidak boleh lari daripada menghadapi pelbagai cabaran ketika menyiapkan projek laluan pejalan kaki, termasuk bekerja mengikut tarikh tertentu, selain dalam cuaca panas dan hujan kerana, sebahagian ahli kami tinggal di luar Kuala Lumpur dan Selangor," katanya.

Shaherwiena Nadhirah berkata, mereka juga bercadang adakan perbincangan dengan pihak berkuasa tempatan, terutama Dewan Bandaraya Kuala Lumpur (DBKL) bagi membolehkan inovasi itu digunakan di lokasi lain, terutama taman rekreasi di sekitar



**Projek itu antara lain bertujuan mempromosi usaha penjagaan alam sekitar kalangan orang ramai.**

**Mohd Azrol Hafizi Azman,  
Penolong Ketua KLKM,  
Universiti Putra Malaysia**

ibu negara, pada masa hadapan.

Ahli kumpulan itu ialah Shaherwiena Nadhirah Shahrul Nizam (Krew A Udara Kajang); Nuralif Affandi Nor Rahmat (Krew A Uda-ra Kajang); Aliff Ajwad Marzuki (Krew D Wangsa Maju); Amsyar Afiq Azman (Krew D Wangsa Maju); Mohd Azrol Hafizi Azman (Krew KLKM UPM); Atikah Che Ismail (Krew KLKM UPM); An'nor Israfacl Anuar (Krew A Kuala Selangor); Nur Maizatul Alyna He-run (Krew A Kuala Selangor); Hue Jia Hao (Krew F Johor Bahru); Muhammad Aiman Ifwat Mohd Nor (Krew B Kuantan); Choy Jin Shen (Krew A Seputeh) dan Liow Weng Chong (Krew S Batu).